

古豐識畧卷三十六

分巡歸綏等處兵備道長白鍾秀石帆

原 棟 選 知

縣 崞 縣 張 曾 小 袁

初稿

人部

土默特

刺麻札布 土默特人姓博爾濟古特元太祖十六世孫阿爾坦喬阿爾坦號格根汗初由河套徙豐州灘築城架屋居之曰拜姓明史訛為板升者也與明通好封順義王以歸化名所居城至今仍之阿爾坦子九長僧格號杜梭汗子噶爾圖以避察

古豐識畧

人部 卷三十六

土默特

一

哈爾東徙隣喀喇沁為土默特東路即今駐牧巴顏和碩之土默特右翼札薩克其居西路者自格根汗凡四傳至博碩克圖汗仍居歸化城察哈爾強役屬博碩克圖汗不從偕喀喇沁部布顏台吉等敗察哈爾兵四萬於土默特之趙城又敗其赴張家口請明賞兵三千與察哈爾林丹汗交惡博碩克圖汗卒林丹汗襲之有其眾我朝天聰六年大軍征察哈爾以林丹汗西奔唐古特移師趨歸化城博碩克圖汗子俄木布及其部頭目古祿格杭高託博克等集眾降

詔安堵如故八年以林丹汗竄死大草灘
遣使取道歸化城往諭唐古特

命所部人護送之九年睿親王多爾袞率師收林丹
汗子額哲於黃河西託里圖地貝勒岳託留駐歸
化城所部人告變言俄木布乳母之夫毛罕潛通
明沙河堡守將以歸化城叛偽稱俄木布為西土
格根汗且導明使約喀爾喀兵為外應岳託遣諜
往喀爾喀兵在途追襲之無脫者執俄木布以歸
諭古祿格杭高託博克分守歸化城轄土默特部眾

崇德元年

古豐識畧

人部 卷三十六 土默特

二

詔編所屬三千三百餘丁為二旗以古祿格為左翼
都統杭高為右翼都統領之託博克尋代杭高子
巴桑掌右翼嗣是博碩克圖汗裔分隸左右翼稱
台吉刺麻札布祖素爾巴勒濟圖父達木巴世居
歸化城隸左翼乾隆二十年

詔徵歸化城土默特兵千隨北路大軍剿達瓦齊於
伊犁刺麻札布獻馬三百匹叙功授一等台吉
命乾清門行走二十一年奉

命隨承恩公明瑞赴巴里坤徙厄魯特達什達瓦部
眾於阿勒台并以其女妻和託輝特郡王青衮咱

卜會青衮咱卜叛

詔隨左副將軍喀爾喀親王成衮札布由烏里雅蘇
台進剿偵青衮咱卜欲逃往俄羅斯復隨參贊大
臣納穆札爾等輕騎尾之抵抗哈將噶斯青衮咱
卜就擒捷

聞

詔增設土默特一旗封刺麻札布為輔國公授扎薩
克隸烏蘭察布盟

勅曰朕仰荷天庥撫綏區宇中外臣工凡有勳力宣
猷勞績茂著者罔弗優封爵秩用獎忠勤爾土默

古豐識畧

人部 卷三十六 土默特

三

特一等台吉刺麻札布追擒叛逃奮勇有功朕甚
嘉之爾其副朕養之隆恩歸撫爾旗人眾恪守
典常靖共爾職勿蹈愆尤敗乃成業國有常刑勗
哉無斁二十五年以不入

覲及違例妄行罪議削爵

諭曰刺麻札布自優封公爵以來不思感激朕恩奉
公守法乃日耽逸樂恣意妄為本應照議削爵但
念公爵究係從前勤勞所得着加恩免削其札薩
克及乾清門行走之處一併革退飭令回旗効力
三十一年刺麻札布卒次子索諾木旺札勒襲四

十九年

詔世襲罔替

古祿格 土默特人姓納喇其先本姓土默特因滅
危倫國之納喇部遂以為姓世居葉赫部葉赫部
亡依土默特博碩克圖汗於歸化城號楚琥爾博
碩克圖汗卒察哈爾林丹汗攻滅土默特役虜之
天聰六年大軍征察哈爾古祿格領林丹汗由歸
化城西遁懼掠匿山砦乃免旋請內附九年來朝
優賚之崇德元年授左翼都統與右翼都統抗高並
駐守歸化城三年春以喀爾喀札薩克圖汗擁眾

古豐識畧

人部 卷三十六 土默特

四

逼歸化城馳疏

聞

上統大軍征之札薩克圖汗遁師旋

諭古祿格及抗高曰爾等所守城小濠狹勢難禦敵
宜於城外建築層垣以資捍衛垣如城高一丈五
尺濶稱之俾可屯兵其上垣四面置四門各置甕
城四隅各建望樓垣外環以深濠工竣之日內城
外垣嚴加防守敵自不敢窺伺爾等其善為之夏
率參領韜瑚等九十六人來朝

遣官迎宴

詔授一等男爵

賜弓矢冠服冬遣烏巴什等貢朝珠文綺四年獻所
獲明歲給幣五年授其子烏克蘇穆佐領職協守
歸化城六年正月古祿格遣第巴圖等貢駝馬三
月復遣納穆習禮等解送來降蒙古
獎賜白金有差順治元年遣使獻方物

賜雕鞍弓矢皮幣二年晉爵三等子

特頒珠頂貂帽朝衣玉帶甲胄弓矢等物以殊異之
六年睿親王多爾袞征喀爾喀古祿格以兵來會
偵喀爾喀遁乃歸康熙五年卒長子烏巴什泰襲

古豐識畧

人部 卷三十六 土默特

五

三等子召赴京隸蒙古正白旗四子錫喇布留歸
化城襲都統九年卒子古睦德襲二十二年内大
臣奇塔特等奉使厄魯特察獲所掠歸化城人巴
朗歸之古睦德二十五年古睦德來朝以厄魯特
巴圖爾額爾克濟農和羅哩携眾降將由歸化城
入覲

命速歸護降眾未幾以廢職罷都統

召赴京授佐領隸蒙古正白旗以其叔父阿喇納襲
阿喇納者古祿格第五子也由佐領襲都統二十
七年偕副都統阿迪等選兵偵禦噶爾丹三十年

命護視附近歸化城遊牧之喀爾喀眾無致失所三十五年偕阿迪等隨大將軍費揚古擊噶爾丹於昭莫多師旋運礮七十九置歸化城三十六年正月助軍駝三月駕由歸化城視師寧夏以土默特士眾委靡弓馬不嫻皆由左翼都統阿喇納及右翼都統阿弼達等軍律廢弛所致

詔削職停右翼都統世襲改用京員以阿喇納兄子古睦德重襲左翼都統四十三年卒子丹津襲先是烏把什泰襲三等子卒阿玉什襲阿玉什卒子

古豐職畧

人部 卷三十六

土默特

六

多爾濟襲五十九年多爾濟以罪革三等子

命丹津兼襲雍正元年疏請建文廟於歸化城左右翼各設滿學教官一歸化城增設理事同知一允之復以訓所部弁兵嫻弓馬

諭右翼都統如世襲舊制以阿弼達子根敦補授其副都統職聽丹津察舉九年大軍議剿噶爾丹策凌

命丹津與副都統五十六酌辦歸化城駐兵事宜尋因移駐洪果爾鄂隆

詔察給兵騎十二年以烏喇特部被災損牧畜遵

旨察閱戶口發歸化城帑賑之十三年九月奏歸化城每年解額爾德昭糧米四萬八百石向用內札薩克等牛車及喀爾喀官駝請自來年始募商駝輓運停喀爾喀官駝令善牧備軍用又應運米向由山西巡撫撥解道行不無竭蹶請以商人所納倉米十萬石就近解送庶經費可省動用亦便上從其請十二月

命大臣赴歸化城視形勝地築城屯田以丹津及根敦協理之乾隆元年設馬廠於歸化城北

詔丹津董牧務二年卒先是丹津子達奈居京由世

古堂識畧

人部 卷三十六 土默特

七

襲佐領歷官散秩大臣卒無子以丹津族子札什泰襲佐領至是丹津妻請即以札什泰為丹津嗣詔停襲左翼都統仍襲三等子兼授三等侍衛二十四年

諭曰左翼古祿格所遺都統職前因丹津無嗣停襲著加恩照右翼例改授三等男爵令三等子札什泰兼襲三十年卒子福保襲三等子兼三等男託博克 土默特人姓把拉格特世居歸化城隸土默特博碩克圖汗部因察哈爾林丹汗滅土默特遂為所虜天聰六年大軍征察哈爾託博克偵林

丹汗西遁籲請內附九年來朝

優賚之崇德元年授三等參領隸右翼與都統杭高協守歸化城三年率子瓦駟來朝授一等輕車都尉世襲瓦駟以佐領授騎都尉五年

詔晉託博克一等參領賚弓矢冠服諸物六年

賜貢使圖柵博奇等宴及甲冑冠服順治元年獻駝馬貂皮三年隨豫親王多鐸擊喀爾喀土謝圖汗及車臣汗兵於札濟布喇克四年叙功

詔授右翼都統時杭高子巴桑因軍務獲罪削職以託博克代六年復隨英親王阿濟格討叛鎮姜瓖

古豐識畧

人部 卷三十六 土默特

八

於大同屢敗賊眾康熙九年卒

賜諡果壯長子瓦駟以騎都尉兼襲一等輕車都尉詔加為三等男爵卒弟古魯襲都統職十三年

詔選兵入邊會剿陝西叛鎮王輔臣十四年正月偕副都統席第等率土默特兵七百至榆林聽調

諭獎其聞命速赴三月由榆林迎提督陳福軍於興武營會鄂爾多斯部貝勒索諾木亦率兵至五月合圍花馬池叛賊朱龍糾眾來援大軍迎擊之朱龍遁城守賊出降花馬池平六月隨大軍復磧井安邊諸砦七月進圍定邊撫定下馬關師還駐榆

林八月由西安援剿固原十五年正月甯夏兵變
詔古魯等防守靈州定邊等處旋請屯黃河岸扼寇
衝

允之三月敗賊眾於靈州六月闡龐平叙軍功以兄
瓦駟已卒兼襲三等男二十年卒子拉察布襲二
十一年拉察布卒以其子什第襲三等男以其叔
父烏巴什襲都統什第卒子達什色梭襲達什色
梭卒子納木札布襲納木札布卒子甘保襲烏巴
什者託博克第三子康熙二十一年由佐領襲都
統二十八年備兵防噶爾丹二十九年運殺虎口

古豐識畧

人部 卷三十六 土款特

九

倉米濟都統額赫納軍三十五年副都統多爾濟
等隨西路大將軍費揚古進擊噶爾丹

命安郡王瑪爾渾統土默特兵防歸化城噶爾丹既
敗遁瑪爾渾移駐愛畢哈錫喇穆梭界留兵所部
以烏巴什子副都統阿弼達領之是年烏巴什卒
阿弼達由副都統襲都統三十六年以不訓練士
卒罪削職停襲改用京員札喇克圖俄赫楚忠相
繼代任雍正元年

諭曰歸化城土默特兩旗原在四十九札薩克內其
都統副都統等官皆係本部初附功臣子孫世職

前因廢弛軍務革退都統另選京員管轄今舊習漸改訓練兵弁行伍整齊凡行圍出征等事與內地弁兵一體効力不負

聖祖仁皇帝教育生成之意宜復舊制以阿弼達之子副都統根敦襲補右翼都統其副都統缺仍令丹津將兩旗內應補人員與原任都統副都統世家子孫內保送擢用欽此根敦係阿弼達長子初授副都統康熙五十九年授參贊大臣隨振武將軍傅爾丹由阿勒台進剿策妄阿喇布坦至格爾額爾格擒宰桑貝坤等百餘人復焚其糧於烏蘭

古豐識畧

人部卷三十六 土默特

十

呼濟爾

上優賚之雍正元年襲都統職二年

詔率滿洲兵二千赴巴里坤防禦青海叛賊羅卜藏丹津尋分兵十駐吐魯番師旋入覲

賜孔雀翎及

御書福字白金等物九年三月大軍議剿噶爾丹策凌根敦率土默特兵千赴涼州聽調七月會西路軍於巴里坤偵噶爾丹策凌遣兵由伊犁犯北路軍於和通呼爾哈諾爾根敦隨西路大將軍岳鍾琪為搗巢計襲擊烏魯木齊大敗之追至額爾穆

克河而還十月蒙

上諭以土默特將弁兵丁連歲從征甚屬勤勞已命
頒帑賞賚至都統根敦向在阿勒台軍營効力十
有餘年今復至巴里坤懋著勞績朕甚嘉之特賞
御用冠服及銀二百兩以示獎勵十年隨副將軍
常賚等率兵三千餘赴哈密援剿十三年撤兵由
塔勒納沁入嘉峪關還軍歸化城是年

詔偕丹津協理屯田事乾隆元年叙功

賚幣四年入朝七年卒子班達爾什襲入覲

賜孔雀翎扈蹕五台山以校射獲

古豐藏畧

人部 卷三十六 藝文下

十一

優賚十九年卒

有碑立墓側 諭賜祭文

詔停襲右翼都統改三等男以子賽音弼里克圖襲
二十年

諭曰歸化城右翼都統原係

國初土默特杭高所遺世職後改授託博克嗣因子
孫不勝其任由京員補授四次復念有可用之人
是以令根敦及子班達爾什襲授是職朕思都統
有整飭軍伍之責非閒散世職可比班達爾什之
子賽音弼里克圖係前鋒職今若驟授都統不惟
恐弗勝任且旗內台吉大員甚多亦恐未必服其

調度著將班達爾什所遣都統職另簡京員補授
其本支內加恩改授三等男爵令賽音弼里克圖
襲欽此是年入

覲授左翼副都統二十五年以病罷二十六年卒無
嗣以從弟賽音岳蘇圖襲三等男爵

按以上三傳由

欽定蒙古王公表傳抄錄表傳成於乾隆中年以後
承襲世次尚俟確查補入傳中所言

太宗文皇帝征察哈爾年月與魏氏記微異且魏氏
記無阿爾坦此傳無俺答似阿爾坦即俺答之

古堂識畧

人部

卷三十六

土默特

十二

轉音蒙古言語本無定字正不必以拜姓為是
以板升為非矣其以土默特為姓與滿洲八旗
以地為姓者適同乃詢之上默特八旗轉不知
有姓土默特之說其左翼右翼亦第分古祿格
託博克所統兩旗而言與魏氏記左翼為濟拉
瑪後右翼為元後者不同彼兩翼在歸化城土
默特之外此兩翼專指土默特之在歸化城者
也字書冒頓兩字冒音墨頓音突似與土默特
字音相近然各書從無此說未使臆斷今各世
職距城遠參領佐領各家譜牒之藏一時未

能周悉畧識顛末其增續仍俟他日爾

古堂識畧

人部卷三十六 土點狩

十三